



大佛頂如來密目修證了義諸菩薩萬行首
楞嚴經卷第五



唐天竺沙門般刺密帝譯



阿難白佛言。世尊。如來雖說第二義門。今觀
世間解結之人。若不知其所結之元。我信是
人終不能解。世尊。我及會中有學聲聞。亦復
如是。從無始際。與諸無明俱滅俱生。雖得如
是多聞善根。名為出家。猶隔日瘡。惟願大慈

哀愍淪溺。今日身心云何是結。從何名解。亦令未來苦難衆生得免輪迴。不落三有。作是語已。普及大衆五體投地。兩淚翹誠。佇佛如來無上開示。爾時世尊憐愍阿難及諸會中諸有學者。亦為未來一切衆生為出世目。作將來眼。以閻浮檀紫金光手摩阿難頂。即時十方普佛世界。六種震動。微塵如來住世界者。各有寶光從其頂出。其光同時於彼世界。

來祇陀林。灌如來頂。是諸大衆得未曾有。於是阿難及諸大衆俱聞十方微塵如來異口同音。告阿難言。善哉。阿難。汝欲識知俱生無明。使汝輪轉生死結根。唯汝六根。更無他物。汝復欲知無上菩提。令汝速證安樂解脫寂靜妙常。亦汝六根。更非他物。阿難雖聞如是法音。心猶未明。稽首白佛云。何令我生死輪迴。安樂妙常。同是六根。更非他物。佛告阿難。

根塵同源。縛脫無二。識性虛妄。猶如空華。阿
難。由塵發知。目根有相。相見無性。同於交蘆。
是故汝今知見立知。即無明本。知見無見。斯
即涅槃。無漏真淨。云何是中更容他物。尔時
世尊欲重宣此義。而說偈言
真性有為空 緣生故如幻 無為無起滅
不實如空華 言妄顯諸真 妄真同二妄
猶非真非真 云何見所見 中間無實性

是故若交蘆 結解同所目 聖凡無二路
汝觀交中性 空有二俱非 迷晦即無明
發明便解脫 解結目次第 六解一亦亡
根選擇圓通 入流成正覺 陀那微細識
習氣成暴流 真非真恐迷 我常不開演
自心取自心 非幻成幻法 不取無非幻
非幻尚不生 幻法云何立 是名妙蓮華
金剛王寶覺 如幻三摩提 彈指超無學

此阿毘達磨 十方薄伽梵 一路涅槃門
於是阿難及諸大眾聞佛如來無上慈誨。祇
夜伽陀。雜糅精瑩。妙理清徹。心目開明。歎未
曾有。阿難合掌頂禮白佛。我今聞佛無遮大
悲。性淨妙常真實法句。心猶未達六解一亡。
舒結倫次。惟垂大慈。再愍斯會。及與將來。施
以法音。洗滌沉垢。即時如來於師子座。整涅
槃僧。歛僧伽梨。攬七寶几。引手於几。取刮波

羅天所奉華巾。於大眾前結成一結。示阿難
言。此名何等。阿難大眾俱白佛言。此名為結。
於是如來縮疊華巾。又成一結。重問阿難。此
名何等。阿難大眾又白佛言。此亦名結。如是
倫次縮疊華巾。總成六結。一一結成。皆取手
中。所成之結。持問阿難。此名何等。阿難大眾
亦復如是。次第誦佛。此名為結。佛告阿難。我
初縮巾。汝名為結。此疊華巾。先實一條。第二

第三。云何汝曹復名為結。阿難白佛言。世尊。此寶疊華緝績成巾。雖本一體。如我思惟。如來一綰。得一結名。若百綰成。終名百結。何況此巾。祇有六結。終不至七。亦不停五。云何如來。祇許初時。第二第三。不名為結。佛告阿難。此寶華巾。汝知此巾。元止一條。我六綰時。名有六結。汝審觀察。巾體是同。曰結有異。於意云何。初綰結成。名為第一。如是乃至第六結。

生。我今欲將第六結名。成第一不。不也。世尊。六結若存。斯第六名。終非第一。縱我應生。盡其明辯。如何令是六結亂名。佛言如是。六結不同。循願本目。一巾所造。令其雜亂。終不得成。則汝六根。亦復如是。畢竟同中。生畢竟異。佛告阿難。汝必嫌此六結不成。願樂一成。復云何得。阿難言。此結若存。是非鋒起。於中自生。此結非彼。彼結非此。如來今日。若總解除。

結若不生。則無彼此。尚不名一。六云何成佛言。六解一。亦復如是。由汝無始心性狂亂。知見妄發。發妄不息。勞見發塵。如勞目睛。則有狂華於湛精明。無目亂起。一切世間山河大地生死涅槃。皆即狂勞顛倒華相。阿難言。此勞同結。云何解除。如來以手將兩結巾。偏掣其左。問阿難言。如是解不。不也。世尊。旋復以手偏牽右邊。又問阿難。如是解不。不也。世

尊。佛告阿難。我今以手左右各牽。竟不能解。汝設方便。云何解成。阿難白佛言。世尊。當於結心。解即分散。佛告阿難。如是如是。若欲除結。當於結心。阿難。我說佛法從目緣生。非取世間和合麤相。如來發明世出世法。知其本目。隨所緣出。如是乃至恒沙界外。一滴之雨。亦知頭數。現前種種。松直棘曲。鵠白鳥玄。皆了无由。是故阿難。隨汝心中。選擇六根。根結

若除塵相自滅。諸妄銷止。不真何待。阿難。我
今問汝。此劫波羅巾。六結現前。同時解縈。得
同除不。不也。世尊。是結本以次第結生。今日
當須次第而解。六結同體。結不同時。則結解
時。云何同除。佛言。六根解除。亦復如是。此根
初解。先得人空。空性圓明。成法解脫。解脫法
已。俱空不生。是名菩薩從三摩地。得無生忍。
阿難及諸大眾。蒙佛開示。慧覺圓通。得無疑

惑。一時合掌。頂禮。雙足而白。佛言。我等今日
身心皎然。快得無礙。雖復悟知一六。止義然
猶未達圓通本根。世尊。我輩飄零。積劫孤露。
何心何慮。預佛天倫。如失乳兒。忽遇慈母。若
復目此際會。道成。所得密言。還同本悟。則與
未聞無有差別。惟垂大悲。惠我秘嚴。成就如
來最後開示。作是語已。五體投地。退藏密機。
冀佛冥授。爾時世尊。普告眾中諸大菩薩。及

諸漏盡大阿羅漢。汝等菩薩及阿羅漢。生我法中。得成無學。我今問汝。最初發心。悟十八界。誰為圓通。從何方便。入三摩地。憍陳那五比丘。即從座起。頂禮佛足。而白佛言。我在鹿苑。及於雞園。觀見如來。最初成道。於佛音聲。悟明四諦。佛問比丘。我初稱解。如來印我名阿若多。妙音密圓。我於音聲。得阿羅漢。佛問圓通。如我所證。音聲為上。

優婆尼沙陀。即從座起。頂禮佛足。而白佛言。我亦觀佛。最初成道。觀不淨相。生大厭離。悟諸色性。以從不淨。白骨微塵。歸於虛空。空色二無。成無學道。如來印我名尼沙陀。塵色既盡。妙色密圓。我從色相。得阿羅漢。佛問圓通。如我所證。色因為上。香嚴童子。即從座起。頂禮佛足。而白佛言。我聞如來教我諦觀。諸有為相。我時辭佛。宴晦。

清齋。見諸比丘燒沉水香。香氣寂然。來入鼻中。我觀此氣。非木非空。非煙非火。去無所著。來無所從。由是意銷。發明無漏。如來印我得香巖。彌塵氣。倏滅妙香。密圓。我從香巖得阿羅漢。佛問圓通。如我所證。香巖為上。

藥王藥上二法王子。并在會中。五百梵天。即從座起。頂禮佛足。而白佛言。我無始劫。為世良醫。口中嘗此娑婆世界草木金石。名數凡

有十萬八千。如是悉知苦醋鹹淡甘辛等味。并諸和合俱生變異。是冷是熱。有毒無毒。悉能徧知。承事如來。了知味性。非空非有。非即身心。非離身心。分別味目。從是開悟。蒙佛如來印。我昆季藥王藥上二菩薩名。今於會中為法王子。曰味覺明。位登菩薩。佛問圓通。如我所證。味目為上。

跋陀婆羅。并其同伴十六闍士。即從座起。頂

禮佛足而白佛言。我等先於威音王佛聞法出家。於浴僧時。隨例入室。忽悟水目。既不洗塵。亦不洗體。中間安然。得無所有。宿習無忘。乃至今時。從佛出家。令得無學。彼佛名我跋陀婆羅。妙觸宣明。成佛子住。佛問圓通。如我所證。觸目為上。

摩訶迦葉。及紫金光比丘尼等。即從座起。頂禮佛足。而白佛言。我於往劫。於此界中有佛出世。名日月燈。我得親近。聞法修學。佛滅度後。供養舍利。然燈續明。以紫金光塗佛形像。自尔以來。世世生生。身常圓滿。紫金光聚。此紫金光比丘尼等。即我眷屬。同時發心。我觀世間六塵變壞。唯以空寂。修於滅盡。身心乃能度百千劫。猶如彈指。我以空法成阿羅漢。世尊說我頭陀為家。妙法開明。銷滅諸漏。佛問圓通。如我所證。法目為上。

阿那律陀即從座起。頂禮佛足。而白佛言。我初出家。常樂睡眠。如來訶我為畜生類。我聞佛訶。啼泣自責。七日不眠。失其雙目。世尊示我樂見。照明金剛三昧。我不目眼。觀見十方。精真洞然。如觀掌果。如來印我成阿羅漢。佛問圓通。如我所證。旋見循元。斯第為一周利槃特迦。即從座起。頂禮佛足。而白佛言。我關誦持。無多聞性。家初值佛。聞法出家。憶

持如來一句伽陀。於一百日。得前遺後。得後遺前。佛愍我愚。教我安居。調出入息。我時觀息微細。窮盡生住異滅。諸行剎那。其心豁然。得大無礙。乃至漏盡。成阿羅漢。住佛座下。印成無學。佛問圓通。如我所證。反息循空。斯為第一。

第一
憍梵鉢提。即從座起。頂禮佛足。而白佛言。我有口業。於過去劫。輕弄沙門。世世生生。有牛

同病。如來示我一味清淨心地法門。我得滅
心。入三摩地。觀味之知。非體非物。應念得起。
世間諸漏。內脫身心。外遺世界。遠離三有。如
鳥出籠。離垢銷塵。法眼清淨。成阿羅漢。如來
親印。登無學道。佛問圓通。如我所證。還味旋
知。斯為第一。

畢陵伽婆蹉。即從座起。頂禮佛足。而白佛言。
我初發心。從佛入道。數聞如來說諸世間不

可樂事。乞食城中。心思法門。不覺路中毒刺
傷足。舉身疼痛。我念有知。知此深痛。雖覺覺
痛。覺清淨心。無痛痛覺。我又思惟。如是一身
寧有雙覺。攝念未久。身心忽空。三七日中。諸
漏虛盡。成阿羅漢。得親印記。發明無學。佛問
圓通。如我所證。純覺遺身。斯為第一。
須菩提。即從座起。頂禮佛足。而白佛言。我曠
劫來。心得無礙。自憶受生。如恒河沙。初在母

胎。即知空寂。如是乃至十方成空。亦令衆生
證得空性。蒙如來發性覺真空。空性圓明得
阿羅漢。頓入如來寶明空海。同佛知見。即成
無學。解脫性空。我為無上。佛問圓通。如我所
證。諸相入非。非所非盡。於法歸無。斯為第一
舍利弗。即從座起。頂禮佛足。而白佛言。我曠
劫來。心見清淨。如是受生。如恒河沙。世出世
間。種種變化。一見則通。獲無障礙。我於中路

逢迦葉波兄弟相逐。宣說目緣。悟心無際。後
佛出家。見覺明圓。得大無畏。成阿羅漢。為佛
長子。從佛口生。從法化生。佛問圓通。如我所
證。心見發光。光極知見。斯為第一
普賢菩薩。即從座起。頂禮佛足。而白佛言。我
已曾與恒沙如來。為法王子。十方如來。教其
弟子。菩薩根者。修普賢行。從我立名。世尊。我
用心聞。分別衆生。所有知見。若於他方。恒沙

界外有一衆生。心中發明普賢行者。我於余
時乘六牙象。分身百千皆至其處。縱彼障深
未得見我。我與其人暗中摩頂擁護安慰。令
其成就。佛問圓通。我說本因。心聞發明。分別
自在。斯為第一。

孫陀羅難陀即從座起。頂禮佛足。而白佛言。
我初出家從佛入道。雖具戒律。於三摩地。心
常散動。未獲無漏。世尊教我及拘締羅觀鼻

端白。我初諦觀。經三七日。見鼻中氣出入如
煙。身心內明。圓洞世界。徧成虛淨。猶如琉璃。
烟相漸消。鼻息成白。心開漏盡。諸出入息。化
為光明。照十方界。得阿羅漢。世尊記我當得
菩提。佛問圓通。我以消息。息久發明。明圓滅
漏。斯為第一。

富樓那。彌多羅尼子。即從座起。頂禮佛足。而
白佛言。我曠劫來。辯才無礙。宣說苦空。深達

實相。如是乃至恒沙如來秘密法門。我於衆
中微妙開示。得無所畏。世尊知我有大辯才。
以音聲輪教我發揚。我於佛前助佛轉輪。目
師子吼。成阿羅漢。世尊印我說法無上。佛問
圓通。我以法音降伏魔怨。消滅諸漏。斯為第
一。
優波離即從座起。頂禮佛足。而白佛言。我親
隨佛踰城出家。親觀如來六年勤苦。親見如

來降伏諸魔。制諸外道。解脫世間貪欲諸漏。
承佛教戒。如是乃至三千威儀。八萬微細性
業。遮業悉皆清淨。身心寂滅。成阿羅漢。我是
如來衆中綱紀。親印我心。持戒修身。衆推為
上。佛問圓通。我以執身。身得自在。次第執心。
心得通達。然後身心一切通利。斯為第一。
大目犍連即從座起。頂禮佛足。而白佛言。我
初於路乞食。逢遇優樓頻螺伽耶那提。三迦

葉波。宣說如來因緣深義。我頓發心。得大通
達。如來惠我袈裟著身。鬚髮自落。我遊十方
得無罣礙。神通發明。推為無上。成阿羅漢。寧
唯世尊。十方如來。歎我神力。圓明清淨自在
無畏。佛問圓通。我以投湛。心光發宣。如澄濁
流。久成清瑩。斯為第一。

烏芻瑟摩。於如來前。合掌頂禮佛之雙足。而
白佛言。我常先憶久遠劫前。性多貪欲。有佛

出世。名曰空王。說多婁人成猛火聚。教我徧
觀百骸。四肢諸冷煖氣。神光內凝。化多婁心
成智慧火。從是諸佛。皆呼召我。名為火頭。我
以火光三昧力。故成阿羅漢。心發大願。諸佛
成道。我為力士。親伏魔怨。佛問圓通。我以諦
觀身心煖觸。無礙流通。諸漏既銷。生大寶燄。
登無上覺。斯為第一。

持地菩薩。即從座起。頂禮佛足。而白佛言。我

念往昔普光如來出現於世。我為比丘。常於一切要路津口。田地險隘。有不如法妨損車馬。我皆平填。或作橋梁。或負沙土。如是勤苦。經無量佛出現於世。或有衆生於闌闔處。要人擎物。我先為擎。至其所詣。放物即行。不取其直。毗舍浮佛現在世時。世多饑荒。我為負人。無問遠近。唯取一錢。或有車牛被於泥溺。我有神力。為其推輪。拔其苦惱。時國大王延

佛設齋。我於爾時平地待佛。毗舍如來摩頂。謂我當平心地。則世界地一切皆平。我即心開。見身微塵。與造世界所有微塵等無差別。微塵自性不相觸摩。乃至刀兵亦無所觸。我於法性悟無生忍。成阿羅漢。迴心今入菩薩位中。聞諸如來宣妙蓮華。佛知見地。我先證明。而為上首。佛問圓通。我以諦觀身界二塵等無差別。本如來藏。虛妄散塵。塵銷智圓。成

無上道。斯為第一。月光童子即從座起。頂禮佛足。而白佛言。我憶往昔恒河沙劫。有佛出世。名為水天。教諸菩薩修習水觀。入三摩地。觀於身中水性。無奪。初從涕唾。如是窮盡津液精血。大小便利。身中檢復。水性一同。見水身中。與世界外。浮幢玉刹。諸香水海等。無差別。我於是時。初成此觀。但見其水。未得無身。當為比丘室中安

禪。我有弟子闍窓觀室。唯見清水。徧在室中。了無所見。童稚無知。取一瓦礫。投於水內。激水作聲。顧盼而去。我出定後。頓覺心痛。如舍利弗遭違害鬼。我自思惟。今我已得阿羅漢道。久離病緣。云何今日忽生心痛。將無退失。尔時童子捷來我前。說如上事。我則告言。汝更見水。可即開門入。此水中除去瓦礫。童子奉教。後入定時。還復見水。瓦礫宛然。開門除

出。我後出定。身質如初。逢無量佛。如是至於
山海自在通王如來。方得止身。與十方界諸
香水海性合真空。無二無別。今於如來得童
真名。預菩薩會。佛問圓通。我以水性一味流
通。得無生忍。圓滿菩提。斯為第一。
瑠璃光法王子。即從座起。頂禮佛足。而白佛
言。我憶往昔。經恒沙劫。有佛出世。名無量聲。
開示菩薩本覺妙明。觀此世界及衆生身。皆

是妄緣。風力所轉。我於爾時。觀界安立。觀世
動時。觀身動止。觀心動念。諸動無二。等無差
別。我時覺了。此羣動性。來無所從。去無所至。
十方微塵顛倒衆生。同一虛妄。如是乃至三
千大千一世界內。所有衆生。如一器中貯百
蚊蚋。啾啾亂鳴。於分寸中。鼓發狂鬧。逢佛未
幾。得無生忍。爾時心開。乃見東方不動佛國。
為法王子。事十方佛。身心發光。洞徹無礙。佛

問圓通。我以觀察風力無依。悟菩提心。入三摩地。合十方佛傳一妙心。斯為第一。虛空藏菩薩即從座起。頂禮佛足。而白佛言。我與如來定光佛所得無邊身。尔時手執四大寶珠。照明十方微塵佛刹。化成虛空。又於自心現大圓鏡。內放十種微妙寶光。流灌十方盡虛空際。諸幢王刹來入鏡內。涉入我身。身同虛空。不相妨礙。身能善入微塵國土。廣

行佛事。得大隨順。此大神力。由我諦觀四大無依妄想生滅。虛空無二。佛國本同。於同發明。得無生忍。佛問圓通。我以觀察虛空無邊。入三摩地。妙力圓明。斯為第一。彌勒菩薩即從座起。頂禮佛足。而白佛言。我憶往昔經微塵劫。有佛出世。名日月燈明。我從彼佛而得出家。心重世名。好遊族姓。尔時世尊教我修習唯心識定。入三摩地。應劫已

來。以此三昧事恒沙佛。求世名心歇滅無有。至然燈佛出現於世。我乃得成無上妙圓識心三昧。乃至盡空如來國土。淨穢有無。皆是我心變化所現。世尊。我了如是唯心識。故識性流出無量如來。今得授記。次補佛處。佛問圓通。我以諦觀十方唯識。識心圓明。入圓成實。遠離依他。及徧計執。得無生忍。斯為第一大勢至法王子。與其同倫五十二菩薩。即從

座起。頂禮佛足。而白佛言。我憶往昔恒河沙劫。有佛出世。名無量光。十二如來相繼一劫。其最後佛。名超日月光。彼佛教我念佛三昧。譬如有入一專為憶。一人專忘。如是二人。若逢不逢。或見非見。二人相憶。二憶念深。如是乃至從生至生。同於形影。不相乖異。十方如來。憐念眾生。如母憶子。若子逃逝。雖憶何為。子若憶母。如母憶時。母子應生。不相違遠。若

衆生。心憶佛念佛。現前當來必定見佛。去佛不遠。不假方便。自得心開。如染香人。身有香氣。此則名曰香光莊嚴。我本因地。以念佛心入無生忍。今於此界。攝念佛人歸於淨土。佛問圓通。我無選擇。都攝六根。淨念相繼。得三摩地。斯為第一。

大佛頂如來密曰修證了義諸菩薩萬行首楞嚴經卷第五

音釋

瘡

魚約切。偈。文句也。

陀那

梵語也。華言執持。

阿毘達磨

梵語也。華言無比法。

薄伽梵

佛即字。祇夜。梵語也。華言應頌。

伽

陀

梵語也。華言讚頌。

糝

女又切。

涅槃僧

梵語也。華言裏衣也。

伽梨

梵語也。華言大也。

劫波羅

梵語也。華言時分。

綰

烏板切。

緝

七入切。掣。昌列切。

鵠

紅沃切。

縈

於營切。

憍陳那

梵語也。

也。華言火器。

跋陀婆羅

梵語也。華言護也。

周利槃特迦

梵語也。華言繼道。

畢陵伽婆蹉

梵語也。華言習河神名。孫陀。

羅難陀

梵語也。喜兼妻得華言艷。

優波離

梵語也。近執事。

伽耶

梵語也。華言城。

那提

梵語也。華言江。

烏芻瑟摩

梵語也。華言。

言火

闍闍

市垣曰闍。市門曰闍。

毘舍浮

梵語也。華言徧也。切。

琉

璃

具云吹。華言遠山寶。

彌勒

梵語也。華言慈氏。

隘

填

推

他回切。

闍

闍

液

余石切。

稚

捷

疾葉切。激

擊音

大佛頂如來密目修證了義諸菩薩萬行首楞嚴經卷第六

唐天竺沙門般刺密帝譯

尔時觀世音菩薩即從座起頂禮佛足而白佛言。世尊。憶念我昔無數恒河沙劫。於時有佛出現於世。名觀世音。我於彼佛發菩提心。彼佛教我從聞思修。入三摩地。初於聞中入流亡所。所入既寂。動靜二相了然不生。如是

漸增聞所聞盡。盡聞不住。覺所覺空。空覺極
圓。空所空滅。生滅既滅。寂滅現前。忽然超越
世。出世間。十方圓明。獲二殊勝。一者上合十
方諸佛。本妙覺心。與佛如來同一慈力。二者
下合十方一切六道衆生。與諸衆生同一悲
仰。世尊。由我供養觀音如來。蒙彼如來授我
如幻聞熏聞修。金剛三昧。與佛如來同慈力
故。令我身成三十二應。入諸國土。世尊。若諸

菩薩入三摩地。進修無漏。勝解現圓。我現佛
身而為說法。令其解脫。若諸有學寂靜妙明。
勝妙現圓。我於彼前現獨覺身而為說法。令
其解脫。若諸有學斷十二緣。緣斷勝性。勝妙
現圓。我於彼前現緣覺身而為說法。令其解
脫。若諸有學得四諦空。修道入滅。勝性現圓。
我於彼前現聲聞身而為說法。令其解脫。若
諸衆生欲心明悟。不犯欲塵。欲身清淨。我於

彼前現梵王身而為說法。令其解脫。若諸衆生欲為天主。統領諸天。我於彼前現帝釋身而為說法。令其成就。若諸衆生欲身自在。遊行十方。我於彼前現自在天身而為說法。令其成就。若諸衆生欲身自在。飛行虛空。我於彼前現大自在天身而為說法。令其成就。若諸衆生愛統鬼神。救護國土。我於彼前現天大將軍身而為說法。令其成就。若諸衆生愛

統世界。保護衆生。我於彼前現四天王身而為說法。令其成就。若諸衆生愛生天宮。驅使鬼神。我於彼前現四天王國太子身而為說法。令其成就。若諸衆生樂為人王。我於彼前現人王身而為說法。令其成就。若諸衆生愛主族姓。世間推讓。我於彼前現長者身而為說法。令其成就。若諸衆生愛談名言。清淨自居。我於彼前現居士身而為說法。令其成就。

若諸衆生愛治國土。剖斷邦邑。我於彼前現
宰官身而為說法。令其成就。若諸衆生愛諸
數術。攝衛自居。我於彼前現婆羅門身而為
說法。令其成就。若有男子好學出家。持諸戒
律。我於彼前現比丘身而為說法。令其成就。
若有女人好學出家。持諸禁戒。我於彼前現
比丘尼身而為說法。令其成就。若有男子樂
持五戒。我於彼前現優婆塞身而為說法。令

其成就。若有女子五戒自居。我於彼前現優
婆夷身而為說法。令其成就。若有女人內政
立身。以修家國。我於彼前現女主身。及國夫
人。命婦。大家而為說法。令其成就。若有衆生
不壞男根。我於彼前現童男身而為說法。令
其成就。若有處女愛樂處身。不求侵暴。我於
彼前現童女身而為說法。令其成就。若有諸
天樂出天倫。我現天身而為說法。令其成就。

若有諸龍樂出龍倫。我現龍身而為說法。令其成就。若有藥叉樂度本倫。我於彼前現藥叉身而為說法。令其成就。若乾闥婆樂脫其倫。我於彼前現乾闥婆身而為說法。令其成就。若阿脩羅樂脫其倫。我於彼前現阿脩羅身而為說法。令其成就。若緊那羅樂脫其倫。我於彼前現緊那羅身而為說法。令其成就。若摩呼羅伽樂脫其倫。我於彼前現摩呼羅

伽身而為說法。令其成就。若諸衆生樂人修人。我現人身而為說法。令其成就。若諸非人有形無形。有想無想。樂度其倫。我於彼前皆現其身而為說法。令其成就。是名妙淨三十二應入國土身。皆以三昧聞熏聞修無作妙力。自在成就。世尊。我復以此聞熏聞修金剛三昧無作妙力。與諸十方三世六道一切衆生。同悲仰故。

令諸衆生於我身心。獲十四種無畏功德。一者由我不自觀音。以觀觀者。令彼十方苦惱衆生。觀其音聲。即得解脫。二者知見捉復。令諸衆生。設入大火。火不能燒。三者觀聽捉復。令諸衆生。大水所漂。水不能溺。四者斷滅妄想。心無殺害。令諸衆生。入諸鬼國。鬼不能害。五者熏聞成聞。六根銷復。同於聲聽。能令衆生。臨當被害。刀段段壞。使其兵戈。猶如割水。

亦如吹光。性無搖動。六者聞熏精明。明徧法界。則諸幽暗。性不能全。能令衆生。藥叉。羅刹。鳩槃荼鬼。及毗舍遮。富單那等。雖近其傍。自不能視。七者音性圓銷。觀聽返入。離諸塵妄。能令衆生。禁繫枷鎖。所不能著。八者滅音圓聞。徧生慈力。能令衆生。經過險路。賊不能劫。九者熏聞離塵。色所不劫。能令一切多婬衆生。遠離貪欲。十者純音無塵。根境圓融。無對

所對。能令一切忿恨衆生離諸瞋恚。十一者。銷塵炫明。法界身心。猶如瑠璃朗徹無礙。能令一切昏鈍性障諸阿顛迦。永離痴暗。十二者。融形復聞。不動道場。涉入世間。不壞世界。能徧十方。供養微塵諸佛如來。各各佛邊。為法王子。能令法界無子衆生欲求男者。誕生福德智慧之男。十三者。六根圓通。明照無二。含十方界。立大圓鏡。空如來藏。承順十方微

塵如來秘密法門。受領無失。能令法界無子衆生欲求女者。誕生端正福德柔順。衆人愛敬有相之女。十四者。此三千大千世界百億日月。現住世間。諸法王子。有六十二恒河沙數。修法垂範。教化衆生。隨順衆生方便智慧。各各不同。由我所得圓通本根。發妙耳門。然後身心微妙含容。周徧法界。能令衆生持我名號。與彼共持。六十二恒河沙諸法王子。二

人福德正等無異。世尊我一名號。與彼衆多名號無異。由我修習得真圓通。是名十四施無畏力。福備衆生。

世尊。我又獲是圓通。修證無上道。故又能善獲四不思議無作妙德。一者由我初獲妙妙聞心。心精遺聞。見聞覺知。不能分隔。成一圓融。清淨寶覺。故我能現衆多妙容。能說無邊秘密神呪。其中或現一首。三首。五首。七首。九

首。十一首。如是乃至一百八首。千首。萬首。八萬四千。爍迦羅首。二臂。四臂。六臂。八臂。十臂。十二臂。十四。十六。十八。二十。至二十四。如是乃至一百八臂。千臂。萬臂。八萬四千。母陀羅。千目。萬目。八萬四千。清淨寶目。或慈。或威。或定。或慧。救護衆生。得大自在。二者由我聞思。脫出六塵。如聲。度垣。不能為礙。故我妙能現

一一形。誦一一呪。其形其呪能以無畏施諸
衆生。是故十方微塵國土皆名我為施無畏
者。三者由我修習本妙圓通。清淨本根。所遊
世界。皆令衆生捨身珍寶。求我哀愍。四者我
得佛心。證於究竟。能以珍寶種種供養十方
如來。傍及法界六道衆生。求妻得妻。求子得
子。求三昧得三昧。求長壽得長壽。如是乃至
求大涅槃得大涅槃。佛問圓通。我從耳門圓

照三昧。緣心自在。因入流相。得三摩提。成就
菩提。斯為第一。世尊。彼佛如來。歎我善得圓
通法門。於大會中。授記我為觀世音號。由我
觀聽十方圓明。故觀音名徧十方界。
爾時世尊於師子座。從其五體同放寶光。遠
灌十方微塵如來。及法王子諸菩薩頂。彼諸
如來亦於五體同放寶光。從微塵方來灌佛
頂。并灌會中諸大菩薩。及阿羅漢。林木池沼

皆演法音。交光相羅。如寶絲網。是諸大眾得未曾有。一切普獲。金剛三昧。即時天雨百寶蓮華。青黃赤白。間錯紛糝。十方虛空成七寶色。此娑婆界大地山河俱時不現。唯見十方微塵國土。合成一界。梵唄詠歌。自然敷奏。於是如來告文殊師利法王子。汝今觀此二十五無學諸大菩薩。及阿羅漢。各說寂初成道方便。皆言修習真實圓通。彼等修行實無

優劣。前後差別。我今欲令阿難開悟二十五行。誰當其根。兼我滅後。此界眾生入菩薩乘。求無上道。何方便門得易成就。文殊師利法王子奉佛慈旨。即從座起。頂禮佛足。承佛威神。說偈對佛。

覺海性澄圓。圓澄覺元妙。元明照生所。立照性。迷妄有虛空。依空立世界。想澄成國土。知覺乃眾生。空生大覺中。

如海一漚散 有漏微塵國 皆依空兩生
漚滅空本無 况復諸三有 歸元性無二
方便有多門 聖性無不通 順逆皆方便
初心入三昧 遲速不同倫 色想結成塵
精了不能徹 如何不明徹 於是獲圓通
音聲雜語言 但伊名句味 一非舍一切
云何獲圓通 香以合中知 離則元無有
不恒其所覺 云何獲圓通 味性非本然

要以味時有 其覺不恒一 云何獲圓通
觸以兩觸明 無所不明觸 合離性非定
云何獲圓通 法稱為內塵 憑塵必有所
能兩非徧涉 云何獲圓通 見性雖洞然
明前不明後 四維虧一半 云何獲圓通
鼻息出入通 現前無交氣 交離匪涉入
云何獲圓通 舌非入無端 曰味生覺了
味止了無有 云何獲圓通 身與兩觸同

各非圓覺觀 涯量不冥會 云何獲圓通
知根雜亂思 湛了終無見 想念不可脫
云何獲圓通 識見雜三和 詰本稱非相
自體先無定 云何獲圓通 心聞洞十方
生於大因力 初心不能入 云何獲圓通
鼻想本權機 祇令攝心住 住成心兩住
云何獲圓通 說法弄音文 開悟先成者
名句非無漏 云何獲圓通 持犯但束身

非身無所束 元非徧一切 云何獲圓通
神通本宿因 何關法分別 念緣非離物
云何獲圓通 若以地性觀 堅礙非通達
有為非聖性 云何獲圓通 若以水性觀
想念非真實 如如非覺觀 云何獲圓通
若以火性觀 廠有非真離 非初心方便
云何獲圓通 若以風性觀 動寂非無對
對非無上覺 云何獲圓通 若以空性觀

昏鈍先非覺 無覺異菩提 云何獲圓通
若以識性觀 觀識非常住 存心乃虛妄
云何獲圓通 諸行是無常 念性元生滅
曰果今殊感 云何獲圓通 我今白世尊
佛出娑婆界 此方真教體 清淨在音聞
欲取三摩提 實以聞中入 離苦得解脫
良哉觀世音 於恒沙劫中 入微塵佛國
得大自在力 無畏施衆生 妙音觀世音

梵音海潮音 救世悉安寧 出世獲常住
我今啓如來 如觀音所說 譬如人靜居
十方俱擊鼓 十處一時聞 此則圓真實
目非觀障外 口鼻亦復然 身以合方知
心念紛無緒 隔垣聽音響 遐迩俱可聞
五根所不齊 是則通真實 音聲性動靜
聞中為有無 無聲號無聞 非實聞無性
聲無既無滅 聲有亦非生 生滅二圓離

是則常真實 縱令在夢想 不為不思無
覺觀出思惟 身心不能及 今此娑婆國
聲論得宣明 衆生迷本聞 循聲故流轉
阿難縱強記 不免落邪思 豈非隨所淪
旋流獲無妄 阿難汝諦聽 我承佛威力
宣說金剛王 如幻不思議 佛母真三昧
汝聞微塵佛 一切秘密門 欲漏不先除
畜聞成過誤 將聞持佛佛 何不自聞聞

聞非自然生 目聲有名字 旋聞與聲脫
能脫欲誰名 一根既返源 六根成解脫
見聞如幻翳 三界若空華 聞復翳根除
塵銷覺圓淨 淨極光通達 寂照含虛空
却來觀世間 猶如夢中事 摩登伽在夢
誰能留汝形 如世巧幻師 幻作諸男女
雖見諸根動 要以一機抽 息機歸寂然
諸幻成無性 六根亦如是 元依一精明

分成六和合 一處成休復 六用皆不成
塵垢應念消 成圓明淨妙 餘塵尚諸學
明極即如來 大眾及阿難 拈汝倒聞機
反聞聞自性 性成無上道 圓通實如是
此是微塵佛 一路涅槃門 過去諸如來
斯門已成就 現在諸菩薩 今各入圓明
未來修學人 當依如是法 我亦從中證
非惟觀世音 誠如佛世尊 詢我諸方便

以救諸未刦 求出世間人 成就涅槃心
觀世音為家 自餘諸方便 皆是佛威神
即事捨塵勞 非是長修學 淺深同說法
頂禮如來藏 無漏不思議 願加被未來
於此門無惑 方便易成就 堪以教阿難
及未刦沉淪 但以此根修 圓通超餘者
真實心如是
於是阿難及諸大眾身心了然得大開示觀

佛善提。及大涅槃。猶如有人。因事遠遊。未得
歸還。明了其家。所歸道路。普會大眾。天龍八
部。有學二乘。及諸一切。新發心菩薩。其數凡
有十恒河沙。皆得本心。遠塵離垢。獲法眼淨。
性比丘尼。聞說偈已。成阿羅漢。無量衆生。皆
發無等等阿耨多羅三藐三菩提心。

阿難整衣服。於大眾中。合掌頂禮。心迹圓明。
悲欣交集。欲益未來諸衆生故。稽首白佛。大

悲世尊。我今已悟成佛法門。是中修行得無
疑惑。常聞如來說如是言。自未得度。先度人
者。菩薩發心。自覺已圓。能覺他者。如來應世。
我雖未度。願度末劫一切衆生。世尊。此諸衆
生。去佛漸遠。和師說法。如恒河沙。欲攝其心。
入三摩地。云何令其安立道場。遠諸魔事。於
菩提心得無退屈。爾時世尊於大眾中。稱讚
阿難。善哉善哉。如汝所問。安立道場。救護衆

生末劫沉溺。汝今諦聽。當為汝說。阿難大衆。唯然奉教。佛告阿難。汝常聞我毗柰耶中。宣說修行三決定義。所謂攝心為戒。曰戒生定。曰定發慧。是則名為三無漏學。阿難云。何攝心。我名為戒。若諸世界六道衆生。其心不婬。則不隨其生死相續。汝修三昧。本出塵勞。婬心不除。塵不可出。縱有多智禪定現前。如不斷婬。必落魔道。上品魔王。中品魔民。下品魔

女。彼等諸魔。亦有徒衆。各各自謂成無上道。我滅度後。末法之中。多此魔民。熾盛世間。廣行貪婬。為善知識。令諸衆生落愛見坑。失菩提路。汝教世人修三摩地。先斷心婬。是名如來先佛世尊第一決定清淨明誨。是故阿難。若不斷婬。修禪定者。如蒸砂石。欲其成飯。經百千劫。祇名熱砂。何以故。此非飯本。砂石成故。汝以婬身求佛妙果。縱得妙悟。皆是婬根。

根本成媯。輪轉三塗。必不能出。如來涅槃。何
路修證。必使媯機身心俱斷。斷性亦無。於佛
菩提斯可希冀。如我此說。名為佛說。不如此
說。即波旬說。

阿難。又諸世界六道衆生。其心不殺。則不隨
其生死相續。汝修三昧。本出塵勞。殺心不除。
塵不可出。縱有多智禪定現前。如不斷殺。必
落神道。上品之人。為大力鬼。中品則為飛行。

夜叉。諸鬼帥等。下品當為地行羅刹。彼諸鬼
神。亦有徒衆。各各自謂成無上道。我滅度後
末法之中。多此鬼神。熾盛世間。自言食肉得
菩提路。阿難。我令比丘食五淨肉。此肉皆我
神力化生。本無命根。汝婆羅門。地多蒸溼。加
以砂石。草萊不生。我以大悲神力所加。因大
慈悲。假名為肉。汝得其味。奈何如來滅度之
後。食衆生肉。名為糶子。汝等當知。是食肉人。

縱得心開。似三摩地。皆大羅刹。報終必沉。生死苦海。非佛弟子。如是之人。相殺相吞。相食未已。云何是人。得出三界。汝教世人。修三摩地。次斷殺生。是名如來先佛世尊。第二決定清淨明誨。是故阿難。若不斷殺。修禪定者。譬如有人。自塞其耳。高聲大叫。求人。不聞。此等名為欲隱。彌露清淨比丘。及諸菩薩。於歧路行。不蹋生草。况以手拔。云何大悲。取諸衆生。

血肉充食。若諸比丘。不服東方絲綿絹帛。及是此土靴履裘毳。乳酪醍醐。如是比丘。於世真脫。酬還宿債。不遊三界。何以故。服其身分。皆為彼緣。如人食其地中百穀。是不離地。必使身心。於諸衆生。若身身分。身心二塗。不服不食。我說是人。真解脫者。如我此說。名為佛說。不如此說。即波旬說。阿難。又復世界六道衆生。其心不偷。則不隨。

其生死相續。汝修三昧。本出塵勞。偷心不除。塵不可出。縱有多智禪定現前。如不斷偷。必落邪道上。上品精靈。中品妖魅。下品邪人。諸魅所著。彼等羣邪。亦有徒衆。各各自謂成無上道。我滅度後。末法之中。多此妖邪熾盛。世間潛匿姦欺。稱善知識。各自謂已得上人法。該惑無識。恐令失心。所過之處。其家耗散。我教比丘循方乞食。令其捨貪。成菩提道。諸比丘

等。不自糝食。寄於殘生。旅泊三界。示一往還。去已無返。云何賊人假我衣服。裨販如來造種種業。皆言佛法。却非出家具戒。比丘為小乘道。由是疑誤無量衆生。墮無間獄。若我滅後。其有比丘。發心決定修三摩提。能於如來形像之前。身然一燈。燒一指節。及於身上。爇一香炷。我說是人。無始宿債。一時酬畢。長揖世間。永脫諸漏。雖未即明。無上覺路。是人於

法已決定心。若不為此捨身微目。縱成無為。必還生人。酬其宿債。如我馬麥。正等無異。汝教世人修三摩地。後斷偷盜。是名如來先佛世尊第三決定清淨明誨。是故阿難。若不斷偷修禪定者。譬如有人水灌漏卮。欲求其滿。縱經塵劫。終無平復。若諸比丘。衣鉢之餘。分寸不畜。乞食餘分。施餓衆生。於大集會。合掌禮衆。有人捶詈。同於稱讚。必使身心二俱捐。

捨身肉骨血與衆生共。不將如來不了義說。迴為已解。以誤初學。佛印是人得真三昧。如我所說。名為佛說。不如此說。即波旬說。阿難。如是世界六道衆生。雖則身心無殺盜婬。三行已圓。若大妄語。即三摩地。不得清淨。成愛見魔。失如來種。所謂未得謂得。未證言證。或求世間尊勝第一。謂前人言。我今已得須陀洹果。斯陀含果。阿那含果。阿羅漢道。辟

支佛乘。十地。地前諸位菩薩。求彼禮懺。貪其
供養。是一顛迦。銷滅佛種。如人以刀。斷多羅
木。佛記是人。永殞善根。無復知見。沈三苦海。
不成三昧。我滅度後。勅諸菩薩。及阿羅漢。應
身生彼末法之中。作種種形。度諸輪轉。或作
沙門。白衣。居士。人王。宰官。童男童女。如是乃
至媼女。寡婦。姦。偷。屠。販。與其同事。稱讚佛乘。
令其身心。入三摩地。終不自言。我真菩薩。真

阿羅漢。洩佛密目。輕言未學。唯除命終。陰有
遺付。云何是人。惑亂衆生。成大妄語。汝教世
人。修三摩地。後復斷除諸大妄語。是名如來
先佛世尊。第四決定清淨明誨。是故阿難。若
不斷其大妄語者。如刻人糞。為栴檀形。欲求
香氣。無有是處。我教比丘。直心道場。於四威
儀。一切行中。尚無虛假。云何自稱得上人法。
譬如窮人。妄號帝王。自取誅滅。況復法王。如

何妄竊。曰地不真。果招紆曲。求佛菩提。如噬
臍人。欲誰成就。若諸比丘心如直弦。一切真
實。入三摩地。永無魔事。我印是人成就。菩薩
無上知覺。如我所說。名為佛說。不如此說。即
波旬說。

大佛頂如來密目修證了義諸菩薩萬行首

楞嚴經卷第六



音釋

驅丘子

優婆塞。優婆夷。

近梵語也。華言

大家。

家音姑后妃

藥叉

言梵語也。華

乾闥婆

樂神

阿修羅

無華言

緊那羅

疑華言

摩呼羅伽

辨華言

阿顛迦

言梵語也。華言

毘奈耶

律語也。華

正云波卑夜

毘

靴

耗

該

古犬

禪

伊入

卮

捶

詈

也

顛

迦

言斷善根

泄

誅

噬

絃

音

楞嚴經卷第七



唐天竺沙門般刺密帝譯

大佛頂如來密曰修證了義諸菩薩萬行首
阿難。汝問攝心。我今先說入三摩地修學妙
門。求菩薩道。要先持此四種律儀。皎如冰霜。
自不能生一切枝葉。心三口四。生必無因。阿
難。如是四事。若不遺失。心尚不緣色香味觸。
一切魔事。云何發生。若有宿習。不能滅除。汝

教是人一心誦我佛頂光明摩訶薩怛多般
怛羅無上神呪。斯是如來無見頂相無為心
佛。從頂發輝坐寶蓮華。所說心呪。且汝宿世
與摩登伽。應劫曰緣。息愛習氣。非是一生。及
與一劫。我一宣揚。愛心永脫。成阿羅漢。彼尚
媯女。無心修行。神力冥資。速證無學。云何汝
等在會聲聞。求寂上乘。決定成佛。譬如以塵
揚於順風。有何艱險。若有末世。欲坐道場。先

持比丘清淨禁戒。要當選擇戒清淨者。第一
沙門。以為其師。若其不遇真清淨僧。汝戒律
儀。必不成就。戒成已後。著新淨衣。然香間居。
誦此心佛所說神呪一百八遍。然後結界。建
立道場。求於十方。現住國土。無上如來。放大
悲光。來灌其頂。阿難。如是末世清淨比丘。若
比丘尼。白衣檀越。心滅貪媯。持佛淨戒。於道
場中。發菩薩願。出入澡浴。六時行道。如是不

寐。經三七日。我自現身至其人前。摩頂安慰。令其開悟。

阿難白佛言。世尊。我蒙如來無上悲誨。心已開悟。自知修證。無學道成。末法修行。建立道場。云何結果。合佛世尊清淨軌則。佛告阿難。若末世人。願立道場。先取雪山大力白牛。食其山中肥膩香草。此牛唯飲雪山清水。其糞微細。可取其糞。和合栴檀以泥其地。若非雪

山。其牛臭穢。不堪塗地。別於平原穿去地皮五尺以下。取其黃土。和上栴檀。沉水。蘓合。薰陸。鬱金。白膠。青木。零陵。甘松。及鷄舌香。以此十種細羅為粉。合土成泥。以塗場地。方圓丈六。為八角壇。壇心置一金銀銅木所造蓮華。華中安鉢。鉢中先盛八月露水。水中隨安所有華葉。取八圓鏡。各安其方。圍繞華鉢。鏡外建立十六蓮華。十六香罏。間華鋪設。莊嚴香

鑪。純燒沉水。無令見火。取白牛乳。置十六器。乳為煎餅。并諸砂糖。油餅。乳糜。藕合。蜜薑。純酥。純蜜。於蓮華外。各各十六。圍繞華外。以奉諸佛。及大菩薩。每以食時。若在中夜。取蜜半升。用酥三合。壇前別安一小火鑪。以兜樓婆香。煎取香水。沐浴其炭。然令猛熾。投是酥蜜於炎鑪內。燒令煙盡。享佛菩薩。令其四外徧懸幡華。於壇室中。四壁敷設十方如來。及諸

菩薩。所有形像。應於當陽。張盧舍那。釋迦。弥勒。阿閼。弥陀。諸大變化。觀音形像。兼金剛。藏安。其左右。帝釋。梵王。烏芻。瑟摩。并藍地迦。諸軍荼利。與毘俱胝。四天王等。頻那夜迦。張於門側。左右安置。又取八鏡。覆懸虛空。與壇場中。所安之鏡。方面相對。使其形影。重重相涉。於初七中。至誠頂禮十方如來。諸大菩薩。阿羅漢。羅漢。恒於六時。誦呪圍壇。至心行道。一時

常行一百八徧。第二七中。一向專心。發菩薩
願。心無間斷。我毘奈耶先有願教。第三七中
於十二時。一向持佛般怛羅呪。至第七日。十
方如來一時出現。鏡交光處。承佛摩頂。即於
道場修三摩地。能令如是末世修學。身心明
淨。猶如瑠璃。阿難。若此比丘。本受戒師。及同
會中。十比丘等。其中有一不清淨者。如是道
場。多不成就。從三七後。端坐安居。經一百日。

有利根者。不起於座。得須陀洹。縱其身心聖
果未成。決定自知成佛不謬。汝問道場。建立
如是

阿難頂禮佛足。而白佛言。自我出家。恃佛憍
愛。求多聞故。未證無為。遭彼梵天和術所禁。
心雖明了。力不自由。賴遇文殊。令我解脫。雖
蒙如來佛頂神呪。冥獲其力。尚未親聞。惟願
大慈。重為宣說。悲救此會諸修行輩。未及當

來在輪迴者。承佛密音。身意解脫。於時會中
一切大衆普皆作禮。佇聞如來秘密章句。介
時世尊從肉髻中涌百寶光。光中涌出千葉
寶蓮。有化如來坐寶華中。頂放十道百寶光
明。一一光明。皆徧示現十恒河沙金剛密迹
擎山。持杵徧虛空界。大衆仰觀。畏愛兼抱。求
佛哀祐。一心聽佛無見頂相放光如來。宣說
神呪

南無薩怛他蘓伽多耶阿羅訶帝三藐三菩
陀寫。薩怛他佛陀俱胝瑟尼釤。南無薩婆勃
陀勃地薩跢鞞弊。南無薩多南三藐三善陀
俱知南。娑舍囉婆迦僧伽喃。南無盧鷄阿羅
漢跢喃。南無蘓盧多波那喃。南無娑羯唎陀
伽彌喃。南無盧鷄三藐伽跢喃。三藐伽婆羅
底波多那喃。南無提婆離瑟赦。南無悉陀耶
毘地耶陀囉離瑟赦。舍波奴揭囉訶娑訶娑

羅摩他喃。南無跋羅訶摩泥。南無目陀羅耶。
南無婆伽婆帝。廬陀羅耶。烏摩般帝。娑醯夜
耶。南無婆伽婆帝。那囉野拏耶。槃遮摩訶三
慕陀囉。南無悉羯唎多耶。南無婆伽婆帝。摩
訶迦羅耶。地唎般刺那伽羅。毘陀羅波拏迦
羅耶。阿地目帝。尸摩舍那泥婆悉泥。摩怛唎
伽拏。南無悉羯唎多耶。南無婆伽婆帝。多他
伽路俱羅耶。南無般頭摩俱羅耶。南無跋闍

羅俱羅耶。南無摩尼俱羅耶。南無伽闍俱羅
耶。南無婆伽婆帝。帝唎荼輸羅西那。波羅訶
羅拏囉闍耶。跋他伽多耶。南無婆伽婆帝。南
無阿彌多婆耶。哆他伽多耶。阿羅訶帝。三藐
三菩陀耶。南無婆伽婆帝。阿芻鞞耶。哆他伽
多耶。阿羅訶帝。三藐三菩陀耶。南無婆伽婆
帝。鞞沙闍耶。俱盧吠柱唎耶。般囉婆羅闍耶。
跋他伽多耶。南無婆伽婆帝。三補師悉多。薩

憐捺囉刺闍耶。跋他伽多耶。阿囉訶帝。三藐
三善陀耶。南無婆伽婆帝。舍鷄耶母那曳。跋
他伽多耶。阿囉訶帝。三藐三善陀耶。南無婆
伽婆帝。刺怛那鷄多囉闍耶。跋他伽多耶。阿
囉訶帝。三藐三善陀耶。帝歎南無薩羯唎多。
翳曇婆伽婆多。薩怛他伽都瑟尼釤。薩怛多
般怛藍。南無阿婆囉視耽。般囉帝揚岐囉。薩
囉婆部多揭囉訶。尼揭囉訶揭迦囉訶尼。跋

囉毖地耶叱陀你。阿迦囉密唎柱。般唎怛囉
耶。寧揭唎。薩囉婆槃陀那目叉尼。薩囉婆突
瑟吒。突悉乏般那你伐羅尼。赭都囉失帝南。
羯囉訶娑訶薩囉若闍。毘多崩娑那羯唎。阿
瑟吒冰舍帝南。那叉利怛囉若闍。波囉薩陀
那羯唎。阿瑟吒南。摩訶揭囉訶若闍。毗多崩
薩那羯唎。薩婆舍都嚧你婆囉若闍。呼藍突
悉乏難遮那舍尼。毖沙舍悉怛囉。阿吉尼烏

陀迦羅若闍阿般羅視多具羅摩訶般羅戰
持摩訶疊多摩訶帝闍摩訶稅多闍婆羅摩
訶跋羅槃陀羅婆悉你阿唎耶多羅毗唎俱
知誓婆毗闍耶跋闍羅摩禮底毗舍盧多勃
騰罔迦跋闍羅制喝那阿遮摩羅制婆般羅
質多跋闍羅擅持毗舍羅遮扇多舍鞞提婆
補視多蘓摩盧波摩訶稅多阿唎耶多羅摩
訶婆羅阿般羅跋闍羅商羯羅制婆跋闍羅

俱摩唎俱藍陀唎跋闍羅唱薩多遮毘地耶
乾遮那摩唎迦唎蘓母婆羯羅跋那鞞盧遮
那俱唎耶夜羅菟瑟尼釤毘折藍婆摩尼遮
跋闍羅迦那迦波羅婆盧闍那跋闍羅頓稚
遮稅多遮迦摩羅刹奢尸波羅婆翳帝夷帝
母陀羅羯拏娑鞞羅懺掘梵都印兔那麽麼
寫烏𠵼唎瑟揭拏般刺舍悉多薩怛他伽都
瑟尼釤席𠵼都盧雍瞻婆那虎𠵼都盧雍悉

耽婆那。帛鉢。都盧雍。波羅瑟地耶三般叉。孛
羯羅。帛鉢。都盧雍。薩婆藥叉。喝羅刹娑。揭羅
訶若闍毗騰崩薩那。羯羅。帛鉢。都盧雍。者都
羅尸底南。揭羅訶娑訶薩羅南。毘騰崩薩那
羅。虎鉢。都盧雍。羅叉。婆伽梵。薩怛他伽都瑟
尼釤。波羅點闍吉刹。摩訶娑訶薩泥帝隸。阿弊提
訶薩羅室刹沙。俱知娑訶薩泥帝隸。阿弊提
視婆刹多。吒吒毘迦。摩訶跋闍盧陀羅。帝刹

善婆那。曼茶羅。烏鉢。莎悉帝薄婆都。麼麼。印
兔那麼麼。寫羅闍婆夜。主羅跋夜。阿祇尼婆
夜。烏陀迦婆夜。毘沙婆夜。舍薩多羅婆夜。婆
羅所羯羅婆夜。突瑟叉婆夜。阿舍你婆夜。阿
迦羅蜜刹柱婆夜。陀羅尼部弥劍波伽波陀
婆夜。烏羅迦婆多婆夜。刹闍壇荼婆夜。那伽
婆夜。毘條怛婆夜。蘓波羅孛婆夜。藥叉揭羅
訶。羅叉私揭羅訶。畢刹多揭羅訶。毘舍遮揭

羅訶。部多揭羅訶。鳩槃荼揭羅訶。補丹那揭
羅訶。迦吒補丹那揭羅訶。悉乾度揭羅訶。阿
播悉摩羅揭羅訶。烏檀摩陀揭羅訶。車夜揭
羅訶。醯唎婆帝揭羅訶。社多訶唎南。揭婆訶
唎南。噓地囉訶唎南。忙娑訶唎南。謎陀訶唎
南。摩闍訶唎南。闍多訶唎女。視比多訶唎南。
毘多訶唎南。婆多訶唎南。阿輸遮訶唎女。質
多訶唎女。帝鈇薩鞞鈇薩婆揭羅訶南。毘陀

耶闍瞋陀夜弥。鷄羅夜弥。波唎跋羅者迦訶
唎擔。毗陀夜闍瞋陀夜弥。鷄羅夜弥。荼演尼
訶唎擔。毘陀夜闍瞋陀夜弥。鷄羅夜弥。摩訶
般輸般怛夜。噓陀囉訶唎擔。毗陀夜闍瞋陀
夜弥。鷄羅夜弥。那羅夜拏訶唎擔。毘陀夜闍
瞋陀夜弥。鷄羅夜弥。怛埵伽噓荼西訶唎擔。
毘陀夜闍瞋陀夜弥。鷄羅夜弥。摩訶迦羅摩
怛唎伽拏訶唎擔。毘陀夜闍瞋陀夜弥。鷄羅

夜。彌。迦。波。唎。迦。訖。唎。擔。毗。陀。夜。闍。瞋。陀。夜。彌。
鷄。羅。夜。彌。闍。夜。羯。羅。摩。度。羯。羅。薩。婆。羅。他。婆。
達。那。訖。唎。擔。毘。陀。夜。闍。瞋。陀。夜。彌。鷄。羅。夜。彌。
赭。咄。羅。婆。耆。你。訖。唎。擔。毘。陀。夜。闍。瞋。陀。夜。彌。
鷄。羅。夜。彌。毘。利。羊。訖。唎。知。難。陀。鷄。沙。羅。伽。拏。
般。帝。索。醯。夜。訖。唎。擔。毗。陀。夜。闍。瞋。陀。夜。彌。鷄。
羅。夜。彌。那。揭。那。舍。羅。婆。拏。訖。唎。擔。毘。陀。夜。闍。
瞋。陀。夜。彌。鷄。羅。夜。彌。阿。羅。漢。訖。唎。擔。毘。陀。夜。

闍。瞋。陀。夜。彌。鷄。羅。夜。彌。毗。多。羅。伽。訖。唎。擔。毘。
陀。夜。闍。瞋。陀。夜。彌。鷄。羅。夜。彌。跋。闍。囉。波。你。具。
醯。夜。具。醯。夜。迦。地。般。帝。訖。唎。擔。毘。陀。夜。闍。瞋。
陀。夜。彌。鷄。羅。夜。彌。又。罔。婆。伽。梵。印。兔。那。麼。
麼。寫。婆。伽。梵。薩。怛。多。般。怛。囉。南。無。粹。都。帝。阿。
悉。多。那。羅。刺。迦。波。羅。婆。悉。普。吒。毘。迦。薩。怛。多。
鉢。帝。唎。什。佛。羅。什。佛。羅。陀。羅。陀。羅。頻。陀。羅。頻。
陀。羅。瞋。陀。瞋。陀。虎。鉢。肅。鉢。泮。吒。泮。吒。泮。吒。泮。

吒泮吒。娑訶。醯醯泮。阿牟迦耶泮。阿波羅提
訶多泮。婆羅波羅陀泮。阿素羅毗陀羅波迦
泮。薩婆提鞞泮。薩婆那伽弊泮。薩婆藥叉
弊泮。薩婆乾闥婆弊泮。薩婆補丹那弊泮。迦
吒補丹那弊泮。薩婆突狼枳帝弊泮。薩婆突
澀比翠訖瑟帝弊泮。薩婆什婆唎弊泮。薩婆
阿播悉摩唎弊泮。薩婆舍羅婆那弊泮。薩婆
地帝鷄弊泮。薩婆怛摩陀經弊泮。薩婆毘陀

耶羅誓遮犁弊泮。闍夜揭羅摩度羯羅。薩婆
羅他娑陀鷄弊泮。毗地夜遮唎弊泮。者都羅
縛耆你弊泮。跋闍羅俱摩唎。毘陀夜羅誓弊
泮。摩訶波羅丁羊叉耆唎弊泮。跋闍羅商羯
羅夜。波羅丈耆羅闍夜泮。摩訶迦羅夜。摩訶
末怛唎迦拏。南無娑羯唎多夜泮。瑟瑟拏婢
曳泮。勃羅訶牟尼曳泮。阿耆尼曳泮。摩訶羯
唎曳泮。羯羅檀遲曳泮。蔑怛唎曳泮。勞怛唎

曳泮。遮文茶曳泮。羯邏羅怛利曳泮。迦般利
曳泮。阿地目質多迦尸摩舍那。婆私你曳泮。
演吉質。薩埵婆寫。麼麼印兔那麼麼寫。突瑟
吒質多。阿末怛利質多。烏闍訶羅。伽婆訶羅。
噓地羅訶羅。婆娑訶羅。摩闍訶羅。闍多訶羅。
視怛多訶羅。跋略夜訶羅。乾陀訶羅。布史波
訶羅。頗羅訶羅。婆寫訶羅。般波質多。突瑟吒
質多。勞陀羅質多。藥叉揭羅訶。羅刹娑揭羅

訶。閉隸多揭羅訶。毗舍遮揭羅訶。部多揭羅
訶。鳩槃荼揭羅訶。悉乾陀揭羅訶。烏怛摩陀
揭羅訶。車夜揭羅訶。阿播薩摩羅揭羅訶。宅
祛單荼耆尼揭羅訶。刹佛帝揭羅訶。闍弥迦
揭羅訶。舍俱尼揭羅訶。姥陀羅難地迦揭羅
訶。阿藍婆揭羅訶。乾度波尼揭羅訶。什伐羅
埵迦醯迦。墜帝藥迦。怛隸帝藥迦。者突託迦。
昵提什伐羅。悉彰摩什伐羅。薄底迦。鼻底迦。

室隸瑟密迦。娑你般帝迦。薩婆什伐羅。室盧
吉帝。末陀鞞達盧制劍。阿綺盧鉗。目佉盧鉗。
羯利突盧鉗。揭羅訶。揭藍。羯拏輸藍。憚多輸
藍。迄利夜輸藍。末麼輸藍。跋利室婆輸藍。悉
栗斐吒輸藍。烏陀羅輸藍。羯知輸藍。跋悉帝
輸藍。鄔盧輸藍。常伽輸藍。喝悉多輸藍。跋陀
輸藍。娑房盎伽般羅文伽輸藍。部多娑跋茶。
茶耆尼什婆羅。陀突盧迦。達咄盧吉。知婆路

多毘薩般盧訶凌伽。輸沙怛羅娑那羯羅。毘
沙喻迦。阿耆尼烏陀迦。末羅鞞羅。建多羅。阿
迦。羅密利咄怛斂部迦。地栗刺吒。悉利瑟質
迦。薩婆那俱羅。肆引伽弊揭羅利藥叉怛羅
芻。末羅視吠帝。鈇娑鞞鈇。悉怛多鉢怛羅。摩
訶跋闍盧瑟尼鈇。摩訶般賴丈耆藍。夜波突
陀舍喻闍那。辯怛隸奴。毘陀耶槃曇迦。盧弥。
帝殊槃曇迦。盧弥。般羅毘陀槃曇迦。盧弥。跋

姪他。唵。阿那隸。毘舍提。鞞羅跋闍羅陀剎。槃
陀槃陀你。跋闍羅謗尼泮。虛鉢都嚧甕泮。莎
婆訶

阿難。是佛頂光聚。悉怛多。般怛囉。秘密伽陀
微妙章句。出生十方一切諸佛。十方如來目
此呪心。得成無上正徧知覺。十方如來執此
呪心。降伏諸魔。制諸外道。十方如來乘此呪
心。坐寶蓮華。應微塵國。十方如來含此呪心。

於微塵國轉大法輪。十方如來持此呪心。能
於十方摩頂授記。自果未成。亦於十方蒙佛
授記。十方如來依此呪心。能於十方拔濟羣
苦。所謂地獄餓鬼畜生盲聾瘖瘂。怨憎會苦
愛別離苦。求不得苦。五陰熾盛。大小諸橫。同
時解脫。賊難兵難。王難獄難。風火水難。飢渴
貧窮。應念消散。十方如來隨此呪心。能於十
方事善知識。四威儀中。供養如意。恒沙如來

會中推為大法王子。十方如來行此呪心。能於十方攝受親目。令諸小乘聞秘密藏。不生驚怖。十方如來誦此呪心。成無上覺。坐菩提樹。入大涅槃。十方如來傳此呪心。於滅度後付佛法事。究竟住持。嚴淨戒律。悉得清淨。若我說是佛頂光聚般怛羅呪。從旦至暮。音聲相聯。字句中間。亦不重疊。經恒沙劫。終不能盡。亦說此呪。名如來頂。汝等有學。未盡輪迴。

發心至誠。取阿羅漢。不持此呪。而坐道場。令其身心遠諸魔事。無有是處。阿難。若諸世界。隨所國土。所有衆生。隨國所生。樛皮。貝葉。紙素。白氎。書寫此呪。貯於香囊。是人心昏。未能誦憶。或帶身上。或書宅中。當知是人。盡其生年。一切諸毒。所不能害。阿難。我今為汝更說此呪。救護世間。得大無畏。成就衆生。出世間智。若我滅後。末世衆生。有能自誦。若教他誦。

當知如是持誦衆生火不能燒。水不能溺。大
毒小毒。所不能害。如是乃至天龍鬼神精祇
魔魅。所有惡呪。皆不能著。心得正受。一切呪
詛。厭毒藥金毒銀毒草木蟲蛇。萬物毒氣
入此人口。成甘露味。一切惡星。并諸鬼神。磔
心毒人。於如是人不能起惡。頻那夜迦。諸惡
鬼王。并其眷屬。皆領深恩。常加守護。阿難。當
知是呪。常有八萬四千那由他。恒河沙俱胝。

金剛藏王菩薩種族。一一皆有諸金剛衆。而
為眷屬。晝夜隨侍。設有衆生。於散亂心。非三
摩地。心憶口持。是金剛王。常隨從。彼諸善男
子。何況決定菩提心者。此諸金剛菩薩藏王。
精心陰速發。彼神識。是人應時。心能記憶。八
萬四千恒河沙劫。周徧了知。得無疑惑。從第
一劫。乃至後身。生生不生藥叉。羅刹。及富單
那。迦吒。富單那。鳩槃荼。毘舍遮等。并諸餓鬼。

有形。無形。有想。無想。如是惡處。是善男子。若
讀。若誦。若書。若寫。若帶。若藏。諸色供養。劫劫
不生貧窮下賤不可樂處。此諸衆生。縱其自
身不作福業。十方如來所有功德。悉與此人。
由是得於恒河沙阿僧祇不可說不可說劫。
常與諸佛同生一處。無量功德。如惡又聚。同
處熏修。永無分散。是故能令破戒之人。戒根
清淨。未得戒者。令其得戒。未精進者。令得精

進。無智慧者。令得智慧。不清淨者。速得清淨。
不持齋戒。自成齋戒。阿難。是善男子。持此呪
時。設犯禁戒。於未受時。持呪之後。衆破戒罪
無問輕重。一時銷滅。縱經飲酒食噉五辛種
種不淨。一切諸佛菩薩金剛天仙鬼神。不將
為過。設著不淨破弊衣服。一行一住。悉同清
淨。縱不作壇。不入道場。亦不行道。誦持此呪。
還同入壇行道。功德無有異也。若造五逆無

間重罪。及諸比丘。以五尼。四棄。八棄。誦此呪
已。如是重業。猶如猛風吹散沙聚。悉皆滅除。
更無毫髮阿難。若有衆生。從無量無數劫來。
所有一切輕重罪障。從前世來。未及懺悔。若
能讀誦書寫此呪。身上帶持。若安住處莊宅
園館。如是積業。猶湯銷雪。不久皆得悟無生
忍。復次阿難。若有女人。未生男女。欲求孕者。
若能至心憶念斯呪。或能身上帶此悉怛多

般怛羅者。便生福德智慧男女。求長命者。即
得長命。欲求果報速圓滿者。速得圓滿。身命
色力。亦復如是。命終之後。隨願往生十方國
土。必定不生邊地下賤。何況雜形阿難。若諸
國土州縣聚落饑荒疫癘。或復刀兵賊難。鬪
諍。兼餘一切厄難之地。寫此神呪安城四門。
并諸支提。或脫闌上。令其國土所有衆生。奉
迎斯呪。禮拜恭敬。一心供養。令其人民各各

身佩戒。各各安所居宅地。一切災厄。悉皆消滅。阿難。在在處處。國土衆生。隨有此呪。天龍歡喜。風雨順時。五穀豐殷。兆庶安樂。亦復能鎮一切惡星。隨方變恠。灾障不起。人無橫天。杻械枷鎖。不著其身。晝夜安眠。常無惡夢。阿難。是娑婆界。有八萬四千灾變惡星。二十八。大惡星。而為上首。復有八大惡星。以為其主。作種種形出現世時。能生衆生種種災異。有

此呪地。悉皆消滅。十二由旬。成結界地。諸惡災祥。永不能入。是故如來宣示此呪。於未來世。保護初學諸修行者。入三摩地。身心泰然。得大安隱。更無一切諸魔鬼神。及無始來冤橫。宿殃。舊業。陳債。來相惱害。汝及衆中諸有學人。及未來世諸修行者。依我壇場。如法持戒。所受戒主。逢清淨僧。於此呪心。不生疑悔。是善男子。於此父母所生之身。不得心通。十

方如來便為妄語。說是語已。會中無量百千
金剛。一時佛前合掌頂禮。而白佛言。如佛所
說。我當誠心保護。如是修菩提者。尔時梵王
并天帝釋。四天大王。亦於佛前同時頂禮。而
白佛言。審有如是修學善人。我當盡心至誠
保護。令其一生所作如願。復有無量藥叉大
將。諸羅刹王。富單那王。鳩槃荼王。毗舍遮王。
頻那夜迦。諸大鬼王。及諸鬼帥。亦於佛前合

掌頂禮。我亦誓願護持是人。令菩提心速得
圓滿。復有無量日月天子。風師雨師。雲師。雷
師。并電伯等。年歲巡官。諸星眷屬。亦於會中
頂禮佛足。而白佛言。我亦保護是修行人。安
立道場。得無所畏。復有無量山神。海神。一切
土地。水陸空行萬物精祇。并風神王。無色界
天。於如來前。同時稽首。而白佛言。我亦保護
是修行人。得成菩提。永無魔事。尔時八萬四

千那由他恒河沙俱胝金剛藏王菩薩在大
會中。即從座起。頂禮佛足。而白佛言。世尊。如
我等輩。所修功業。久成菩提。不取涅槃。常隨
此呪救護。末世修三摩提。正修行者。世尊。如
是修心求正定人。若在道場。及餘經行。乃至
散心遊戲聚落。我等徒眾。常當隨從侍衛。此
人縱令魔王。大自在天。求其方便。終不可得。
諸小鬼神。去此善人十由旬外。除彼發心樂

修禪者。世尊。如是惡魔。若魔眷屬。欲來侵擾
是善人者。我以寶杵。殞碎其首。猶如微塵。恒
令此人所作如願。

阿難。即從座起。頂禮佛足。而白佛言。我輩愚
鈍。好為多聞。於諸漏心。未求出離。蒙佛慈誨。
得正熏修。身心快然。獲大饒益。世尊。如是修
證佛三摩提。未到涅槃。云何名為乾慧之地。
四十四心。至何漸次。得修行目。詣何方所。名

入地中。云何名為等覺菩薩。作是語已。五體
投地。大眾一心。佇佛慈音。瞪眄瞻仰。爾時世
尊讚阿難言。善哉善哉。汝等乃能普為大眾。
及諸末世一切眾生。修三摩提。求大乘者。從
於凡夫終大涅槃。懸示無上正修行路。汝今
諦聽。當為汝說。阿難大眾合掌剝心。默然受
教。佛言。阿難。當知妙性圓明。離諸名相。本來
無有世界眾生。目妄有生。目生有滅。生滅名

妄。滅妄名真。是稱如來無上菩提。及大涅槃。
二轉依號。阿難。汝今欲修真三摩地。直詣如
來大涅槃者。先當識此眾生世界。二顛倒因。
顛倒不生。斯則如來真三摩地。阿難。云何名
為眾生顛倒。阿難。由性明心。性明圓故。目明
發性。性妄見生。從畢竟無。成究竟有。此有所
有。非目所住。住有所住。了無根本。本此無住。
建立世界。及諸眾生。迷本圓明。是生虛妄。妄

性無體。非有所依。將欲復真。欲真已非真。真如性。非真求復。宛成非相。非生。非住。非心。非法。展轉發生。生力發明。熏以成業。同業相感。曰有感業。相滅相生。由是故有衆生顛倒。阿難云。何名為世界顛倒。是有所有。分段妄生。曰此界立。非曰所曰。無住。所住。遷流不住。曰此世成。三世四方。和合相涉。變化衆生成十二類。是故世界。曰動。有聲。曰聲。有色。曰色。有

香。曰香。有觸。曰觸。有味。曰味。知法。六亂妄想。成業性故。十二區分。由此輪轉。是故世間聲香味觸。窮十二變。為一旋復。乘此輪轉。顛倒相故。是有世界卵生。胎生。溼生。化生。有色。無色。有想。無想。若非有色。若非無色。若非有想。若非無想。阿難。由曰世界虛妄輪迴。動顛倒故。和合氣成。八萬四千飛沉亂想。如是故有卵。鵝。邏。藍。流。轉。國。土。魚。鳥。龜。蛇。其類充塞。由

目世界雜染輪迴。欲顛倒故。和合滋成八萬
四千橫豎亂想。如是故有胎過捕曇。流轉國
土。人畜龍仙。其類充塞。由目世界執著輪迴。
趣顛倒故。和合煖成八萬四千翻覆亂想。如
是故有溼相蔽尸。流轉國土。含蠢蠕動。其類
充塞。由目世界變易輪迴。假顛倒故。和合觸
成八萬四千新故亂想。如是故有化相羯南。
流轉國土。轉蛻飛行。其類充塞。由目世界留

礙輪迴。障顛倒故。和合著成八萬四千精耀
亂想。如是故有色相羯南。流轉國土。休咎精
明。其類充塞。由目世界銷散輪迴。惑顛倒故。
和合暗成八萬四千陰隱亂想。如是故有無
色羯南。流轉國土。空散銷沉。其類充塞。由目
世界罔象輪迴。影顛倒故。和合憶成八萬四
千潛結亂想。如是故有想相羯南。流轉國土。
神鬼精靈。其類充塞。由目世界愚鈍輪迴。癡

顛倒故。和合頑成八萬四千枯稿亂想。如是故有無想羯南。流轉國土。精神化為土木金石。其類充塞。由目世界相待輪迴。偽顛倒故。和合染成八萬四千目依亂想。如是故有非有色相。成色羯南。流轉國土。諸水母等以蝦為目。其類充塞。由目世界相引輪迴。性顛倒故。和合呪成八萬四千呼召亂想。由是故有非無色相。無色羯南。流轉國土。呪詛厭生。其

類充塞。由目世界合妄輪迴。罔顛倒故。和合異成八萬四千迴互亂想。如是故有非有想相。成想羯南。流轉國土。彼蒲盧等異質相成。其類充塞。由目世界怨害輪迴。殺顛倒故。和合恠成八萬四千食父母想。如是故有非無想相。無想羯南。流轉國土。如土梟等附塊為兒。及破鏡鳥。以毒樹果。抱為其子。子成。父母皆遭其食。其類充塞。是名衆生十二種類。

大佛頂如來密目修證了義諸菩薩萬行首楞嚴經卷第七

音釋

摩訶恚怛多般怛羅梵語也華言大白摩

武悲切享許兩切鈿所鑿切跢丁个切揭居列切恚秘音切

皴奴板切鞞步迷切刺盧達切藍芦鑿切赭音者切倅音耕切

目音切昵女質切盞烏浪切辯昆典切跢他奄切他奄也華語

骨音切菟兔音切餗于今切嬰英音切粹瑞音切姥莫補切堙音耕切

言即說呪曰。跢字以上四百八句。但

事。囉字以下七句。方是神呪。亦曰陀。樺

羅。尼。華言。力。持。陀。羅。尼。是。體。呪。是。用。也。

胡。化。詛。切。莊。力。修。初。錦。支。提。可。梵。語。也。華。言。脫

閣。華。言。剝。空。音。枯。猶。羯。邏。藍。遏。蒲。曇。四。釋。卷。見。蛻

音。羯。南。華。言。肉。言。蔽。尸。華。言。肉。言。蒲。盧。名。虫。蝦。牙。蠢

尺。尹。煥。切。而。尹。切。

切。尺。尹。煥。切。而。尹。切。

切。尺。尹。煥。切。而。尹。切。

切。尺。尹。煥。切。而。尹。切。

切。尺。尹。煥。切。而。尹。切。

國

朝同川
威書宗

木房

